



INATSISARTUT

Aningaasaqarnermut Akileraartarnermullu Naalackersuisoq

Ulloq: 14. december 2023
J.nr.: 01.31.06/23-01059

Aningaasaqarnermut Akileraartarnermullu Ataatsimiititaliap sisamangornermi ulloq 14. december 2023-mi aalajangiineranik Naalackersuisunut ilisimatitsineq.

**Ilaqutariinnut meerartalinnut sammititanik isumaginninnikkut matussusiissutinik
suliniutinik aallartitsineq. Ataatsimiititaliaq suliaa nr. 01.31.06/23-01059A. **Iser-
tuussassaallunilu nukingiussassaq.****

“Naalackersuisut inassuteqaatigaat:

- 2023-mut ilassutitut aningaasaliissutinut inatsisissamut siunnersuummi kontumut pingaarnermut 31.03.33 Imminnut ittumik meeqqanut tapiissutit december 2023-mi immikkut ittumik meeqqanut tapiissummik tunniusisinnaanermik pisinnaangortitsisumik oqaasertamik ikkussisoqassasoq,
- 2023-mut ilassutitut aningaasaliissutinut inatsisissamut siunnersuummi kontu pingaarneq nutaaq 31.03.33 Imminnut ittumik meeqqanut tapiissutit 2023-mi 5 mio. kr-nik aningaasaliissutitalik ivertinneqassasoq,
- 2023-mut ilassutitut aningaasaliissutinut inatsisissamut siunnersuummi kontu pingaarnermut 51.01.04 Aallarteqqinnissamut tapiissuteqartarneq aalisartunut piniartunullu december 2023-mi silaannaap pissusaanik aallaaveqartumik ajunaarnerusarmi ikiorsissummik tunniusisinnaanermik pisinnaangortitsisumik oqaasertaliussamik ivertitsisoqassasoq,
- Kontu pingaarnermi 31.07.02 Piginnaasanik ineriartortitsiviusumik pikkorissaanerit aningaasaliissutit 2023-mi 5 mio. kr-nik appartinneqassasut”.

Aningaasaqarnermut Ataatsimiititaliap oqaaseqaatai apeqqutaalu

Naalackersuisunut apeqquteqarnissaq ataatsimiititaliap suliamik suliarinninnerminut atatillugu aalajangiuppaa.

Apeqqut 1:

Konto pingaarneq nutaaq 31.03.33 Immikkut ittumik meeqqanut tapiissunut tunngasoq pilersinneqassasoq, tassungalu oqaasertaliussaq ilanngunneqassasoq Naalackersuisunit inasutigineqarpoq.

Meeqqat ilaqutariillu qanoq amerlatigisut aaqqissuussinermut ilaatinneqassanersut pillugu erseqqinnerusumik naatsorsukkanik kiisalu taakku sumiiffiisa najugaqarfinnut agguataarneqarnerata qanoq isikkoqassanissaa pillugu paasitinneqarnissani ataatsimiititaliap kissaatigaa.

Apeqqut 2:

Suliassaq isertuussassatut Naalackersuisunit sooq nassiunneqarnersoq tunngvilersorneqassasoq ataatsimiititaliamit kissaatigineqarpoq?

Naalakkersuisut inassuteqaataannut ukiumut aningaasanut inatsiseqarfiusumut 2024-mut attuumassuteqartunuttunngatillugu inassuteqaatit, pisariaqarluinnartut, nutartigaasinnaasut sapinngisamik piaartumik tiguneqarnissaat ataatsimiititaliamit kissaatigineqarpoq:

- Ukiumut aningaasanut inatsiseqarfiusumut 2024-mut ilassutitut aningaasaliissutitut missingersuutitut ilanngussat.
- 2024-mut oqaasertaliussat.

Inassuteqaatinut ukiumut aningaasanut inatsiseqarfiusumut 2024-mut attuumassuteqartunut tunngatillugu oqaasertaliussamik sukkunut akitsuutip atorunnaarsinneqarnissaanik periarfisiisumik ilanngussisoqarnissaa Naalakkersuisunit qinnutiginiarneqarpoq, tamatumalu peqatigisaanik sukkunut akitsuutip 12,3 mio. kr.-inik appartinneqarnissaanik Naalakkersuisut qinnuteqalersaarlutik. Tunisassiat sorliit suliniummi tamatumani ilaatinneqassanersut aallaqqaammut erseqqissaatigineqassasoq ataatsimiititaliamit kissaatigineqarpoq.

Naalakkersuisut piaartumik akissuteqarnissaat ataatsimiititaliamit qilanaarineqarpoq.

Aningaasaqarnermut Ataatsimiititaliap aalajangenera

Siuliani allassimasutut oqaaseqarluni Naalakkersuisunit inassuteqaatit ataatsimiititaliap **akuersissutigai.**

Inussiarnersumik inuulluaqqusillunga



Asii Chemnitz Narup

Aningaasaqarnermut Akileraartarnermullu Ataatsimiititaliap siulittaasua